

Serie A N.º 1177812

**SESIÓN EXTRAORDINARIA CELEBRADA POLO PLENO DO CONCELLO O DÍA 7 -
FEBREIRO - 2005**

ORDE DO DÍA

- 1.- ADOPCIÓN DE ACORDOS EN RELACIÓN Ó PROXECTO DE COLECTOR XERAL RIO MACEIRAS.
- 2.- ADOPCIÓN DE ACORDOS EN RELACIÓN Ó PROXECTO DE SANEAMENTO DE CHAN DAS PIPAS.

Na Casa do Concello de Redondela, sendo as vinte horas do día sete de febreiro de dous mil cinco, baixo a Presidencia do 1º Teniente de Alcalde, D. XOSÉ CARLOS PAZOS DOCAMPO, e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, Dª. LAURA LAGO ALLER, Dª. MÓNICA CARREIRA COUÑAGO, Dª. CARMEN RODRÍGUEZ CUNHA, D. CARLOS GONZÁLEZ FERNÁNDEZ, D. MANUEL IGLESIAS CARRERA, Dª. FRANCISCA CANAL GÓMEZ, D. JUAN TIZÓN CABALEIRO, D. ANTÓN DÍAZ MOURELLE, Dª. Mª DEL CARMEN AMOEDO DASILVA, D. JAIME DARRIBA VILAS, D. FERMÍN ALFAYA PAZ, D. XOSÉ CARLOS PAZOS DOCAMPO, Dª. CECILIA PÉREZ ORXE, D. ALEJANDRO BASTOS FERNÁNDEZ, Dª. HERMINDA QUELLE FERNÁNDEZ, e D. MANUEL PÉREZ PARDO, tamén asistiu o Sr. Interventor Xeral do Concello D. MODESTO SOLLA SANZ, actuando como Secretaria a Secretaria da Corporación DONA. ANA ISABEL DEL CERRO DEL RIO, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Non asiste, excusando a súa ausencia o Sr. Alcalde, D. XAIME REI BARREIRO, e os/as Sres./as Concelleiros/as D. RODOLFO PATO GARCIA e Dª. PURIFICACIÓN SERRANO CAVIEDES.

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.- ADOPCIÓN DE ACORDOS EN RELACIÓN Ó PROXECTO DE COLECTOR XERAL RÍO MACEIRAS.-

ANTECEDENTES.-

- Dictame da Comisión Informativa de Medio Ambiente de data 3 de febreiro de 2005, que transcrito dí:

"O Presidente da Comisión propón votar a seguinte proposta:

A Consellería de Medio Ambiente, Augas de Galicia ten previsto realizar dentro do Plano de Saneamento de Galicia a obra de instalación de colector xeral no río Maceiras para o que, segundo as instrucións da Consellería o Concelleiro Delegado de Medio Ambiente propón:

- 1º).- Aprobar o proxecto Colector Xeral río Maceiras.
- 2º).- Solicitar ao organismo autónomo de Augas de Galicia o financiamento do 100% do custo das obras.
- 3º).- Comprometerse á entrega dos terreos e auga necesarios para a execución das obras, así como todas as autorizacións administrativas necesarias para a realización destas.
- 4º).- Renuncia expresa á retención de calquera tipo de taxa, canon ou imposto de carácter local con motivo das obras.

5º).- Expoñer o proxecto ao público durante 20 días.

6º).- Compromiso de asumir a explotación, mantemento e conservación das obras, e de efectuar os traballos ordenados pola inspección facultativa despois da súa execución.

7º).- Compromiso de actualización das tarifas pola prestación do servizo na medida axeitada ao custo das obras que se realizan, e a súa explotación e amortización.

8º).- Facultar ao Concelleiro Delegado de Medio Ambiente para solicitar o financiamento.

Procédese á votación da proposta que resulta aprobada por unanimidade dos/as Concelleiros/as presentes."

- Informe do Sr. Interventor Xeral do Concello de data 4 de febreiro de 2005, Rº.- T 9/05.

INTERVENCIÓNS.-

Os voceiros de RA e PP votarán a favor porque é unha obra necesaria para os veciños.

O voceiro do PSdeG-PSOE sinala que o grupo de goberno está de acordo, aínda que sería máis lóxico facer toda a conexión do río Maceiras. O que o Concello ia empregar en Chan das Pipas, destinarase a Cabeiro e Vilar.

VOTACIÓN E ACORDO.-

O Concello Pleno, en votación ordinaria e por unanimidade dos/as Sres./as Concelleiros/as presentes, sendo 18 votos a favor (7 do PSdeG-PSOE, 6 do PP, 2 do B.N.G., 2 de R.A. e 1 de EU-IU), adoptou os acordos seguintes:

Primeiro.- Resolver os reparos formulados polo Sr. Interventor Xeral do Concello de data 4 de febreiro de 2005, Rº.- T 9/05.

Segundo.- Aprobar o dictame da Comisión Informativa de Medio Ambiente de data 3 de febreiro de 2005, anteriormente transcrito.-

2.- ADOPCIÓN DE ACORDOS EN RELACIÓN Ó PROXECTO DE SANEAMENTO DE CHAN DAS PIPAS.-

ANTECEDENTES.-

- Dictame da Comisión Informativa de Medio Ambiente de data 3 de febreiro de 2005, que transcrito dí:

"O Presidente da Comisión propón votar a seguinte proposta:

A Consellería de Medio Ambiente, Augas de Galicia ten previsto realizar dentro do Plano de Saneamento de Galicia a obra de saneamento de Chan das Pipas para o que, segundo as instrucións da Consellería o Concelleiro Delegado de Medio Ambiente propón:

1º).- Aprobar o proxecto de saneamento de Chan das Pipas.

2º).- Solicitar ao organismo autónomo de Augas de Galicia o financiamento do 100% do custo das obras.

Serie A N.º 1177813

3º).- Comprometerse á entrega dos terreos e auga necesarios para a execución das obras, así como tódas as autorizacións administrativas necesarias para a realización destas.

4º).- Renuncia expresa á retención de calquera tipo de taxa, canon ou imposto de carácter local con motivo das obras.

5º).- Expoñer o proxecto ao público durante 20 días.

6º).- Compromiso de asumir a explotación, mantemento e conservación das obras, e de efectuar os traballos ordenados pola inspección facultativa despois da súa execución.

7º).- Compromiso de actualización das tarifas pola prestación do servizo na medida axeitada ao custo das obras que se realizan, e a súa explotación e amortización.

8º).- Facultar ao Concelleiro Delegado de Medio Ambiente para solicitar o financiamento.

Procédese á votación da proposta que resulta aprobada por unanimidade dos/as Concelleiros/as presentes."

- Informe do Sr. Interventor Xeral do Concello de data 4 de febreiro de 2005, Rº.- T 10/05.

VOTACIÓN E ACORDO.-

O Concello Pleno, en votación ordinaria e por unanimidade dos/as Sres./as Concelleiros/as presentes, sendo 18 votos a favor (7 do PSdeG-PSOE, 6 do PP, 2 do B.N.G., 2 de R.A. e 1 de EU-IU), adoptou os acordos seguintes:

Primeiro.- Resolver os reparos formulados polo Sr. Interventor Xeral do Concello de data 4 de febreiro de 2005, Rº.- T 10/05.

Segundo.- Aprobar o dictame da Comisión Informativa de Medio Ambiente de data 3 de febreiro de 2005, anteriormente transcrito.-

E, non habendo máis asuntos que tratar, pola Presidencia dase por rematada a presente sesión, sendo as vinte horas e cinco minutos da data fixada no encabezamento, en proba de todo o que, se estende a presente acta, que se inscribiu no Libro dende o folio núm. 162 do Papel Timbrado da Comunidade Autónoma de Galicia, Serie A nº 1177812 ata o folio núm. 163 do Papel Timbrado da Comunidade Autónoma de Galicia, Seria Anº 1177813, de todo o que, como Secretaria, DOU FE.-

O 1º TENIENTE DE ALCALDE

A SECRETARIA XERAL

XOSE CARLOS PAZOS DOCAMPO

ANA ISABEL DEL CERRO DEL RIO